



QUÆSTIO MEDICA,

CARDINALITIIS DISPUTATIONIBUS

*manè discutienda in Scholis Medicorum, die Jovis
quartâ Aprilis.*

M. PETRO PAULO GUYART, Doctore
Medico, Præfide.

An Coma adscititia, nativâ salubrior?

I.

CUTIS totius corporis involucrum & emuncto-
rium, innumeris pervia spiraculis, & exilibus est, ut
quod partibus alendis ineptum, feliciter exigatur, in-
sensilis fiat transpiratio, sudoribus, vaporibusque detur
exitus. Si ex æquo pateant cutis meatus, partes internæ
beantur, fuliginibus sese expediunt, & amicam admit-
tunt aërem, quo recreantur; si arctentur nimis, aut fu-
luginosi illi vapores in viscera resiliunt, morbos gravissi-
mos parituri, aut in cute resident, eam omni sordium
genere inquinaturi. Cutis in sui, totiusque corporis per-
niciem pilos alit, illorum segete obstipantur pori; hinc
prima malorum labes. Felices Aves & Volucres, quibus
statutis anni temporibus plumæ decidunt! Felix Lacer-
torum, Serpentum, Anguium, ceterorumque Anima-
lium omne genus, quod exuvias semel, aut bis in anno
deponit! His exutis novas resumunt vires; Elephas dum
dentes, Cervus dum cornua, Pisces dum squammas,
Arbores dum folia verè proximo renascitura exuunt,



2

spoliis depositis, fiunt vegetiores. Infelix Homo alit capillitium, nò aut morbo, aut senectâ decidat: meliùs sibi confuleret, si identidèm se sineret abradi!

I I.

PRÆCIPUA viventis dos, sanitas; hæc stat in legitima partium temperie, conformatione, & debita conjunctione. Conspirent hæc tria amicè, quidquid vivit, pulchrè vivet, stabunt inculpata totius corporis functiones; sin minùs, eas minui, depravari, aut aboleri necessum est; hoc triplex sanitatis fœdus multa solvunt tum interna, tum externa; at ille amabilis partium consensus præpeditâ transpiratione maximè dissociatur; quæ denegata omnium ferè morborum parens est, quæ concessa, & morbos antevertit, & vel ipsas malignas febres dijudicat. Eat, redeat sine obice sanguis, excernendis viæ pateant, vigeant cuncta; partes tamen primæ coctioni dicatae perbellè exigant excrementa, liberæ sint viæ urinariæ, nò pateant cutis spiracula, omnia pessumibunt: adeo insensilis transpiratio est necessaria. Hanc quæ juvant, prosunt, quæ præpediunt, nocent.

I I I.

IN gratiam naturæ artes inventæ coluntur, si quid natura peccat, ars in subsidium venit; colligatur excrementorum proluvies, quâ se se natura expedire nequeat, ars naturæ obstetricabitur, sordeat externus corporis habitus, artis beneficio fiet nitidior, obstructæ patebunt viæ; hinc termarum, lavacrorum, balneorum apud antiquos frequens usus; pilorum silva iniquè luxuriat caput, hanc malam segetem novacula feliciter demet, liberior fiet transpiratio, nec blattis tineisque erit domus hospita; nec turpi insectorum grege cutis

inquinabitur, ab hac sordidissima familia, *φιλώδεον* ope
solebant antiqui se vindicare; frequentiori tamèn eorum
usu pori fiebant angustiores, libera fiebat transpiratio,
sic vitata scilla incidebant in charybdim. Cultri tonsorii
præstantior est usus, nulla excipitur noxa, crinibus ab-
rafas rudique velamine deterfo fuliginibus datur per-
meare, ne tamèn orbum crinibus caput injuriis pateret
externis, quos ars præscindit crines, eos factitia cæsarie
summo cum fœnore, summa cum utilitate reponit.

I V.

A DSCITITII capillitii multæ sunt dotes, ar-
dente Syrio illud ventilationis causa cuilibet licet
deponere, & deterfis sudoribus, rursus resumere, quò
fit, ut madenti priùs capiti non leve accedat solatium;
sicut enim indusia, & lintea desinente crisi mutan-
tur, & recentia priùs igni exposita substituuntur; sic
æstivo tempore dùm madore diffluit corpus, linteis
detergendum est, præsertimque caput, quod vix fieri
potest, si pilorum obstet luxuries; nec minùs hyemali
tempore utilis est Coma artefacta; hæc adversùs aëris
ambientis frigus crinibus nativis valentius est munimen-
tum, posita præsertim intùs bubula cucufa, quæ quod
per poros exigetur resorbeat, nec sinat acervari; non
solum facta manu Coma plurimùm sanitati confert, sed
formæ decori. Testes sint illi cani amasii, quibus cani-
ties tædio est, & qui exoticâ Comâ juvenilem mentiu-
tur atatem, quâ turpis tegitur calvities; sic qui propu-
diosum crinium colorem detestantur, aut eorum rarita-
tem lugent, arte vitia reparant; aut saltèm occultant;
ut enim dentium artificialis positio est utilitati & orna-
mento, sic & Coma artefacta.

U^T in triclinio fumo referto, nò ostia referentur, aut pateant fenestræ, quâ fuliginosi vapores, in auras diffusi evanescant, adstantium plerique animo deficiunt, sic obstipatâ cute humorum nebulæ, & caligines intus coërcentur, bellâque movent non finitura, nò prius laxatis cutis meatibus, illis detur erumpere; cutis constrictione omne morborum cutaneorum genus emergit, hinc serpigo, impetigo, vituligo, scabies, tineæ, elephantiasis, quarum malignis ichoribus introactis, partes internæ non leviter afficiuntur; vanum igitur, imo & noxium pilorum omnium, & turpem barbæ apparatus abradat, qui, & sanitati, & munditiei studet innumeris morbis hispida cutis afficitur, quibus nuda exors est; dubitas? Nonnè Remis damnatis capillitium superiori jure abraditur, nè inquinent, aut inquinentur; nonnè pueri qui in nosocomiis educantur, sunt sincipite raso? Nonnè etiâ plurium ordinum religiosissimi viri, crinium nativorum supellectili, aut tanquàm inutili, aut tanquam nocituræ vale dixerunt, quibuscum, nos quoque vale dicimus.

Ergò adscititia Coma, nativâ salubrior.

Asserebat Parisiis ALEXANDER-PETRUS MATTOT, Parisinus,
Baccalaureus Medicus. A. R. S. H. 1691.

P A R I S I I S,

Apud Franciscum Muguet, Regis, & Scholæ Medicæ
Typographum.